

# Jahresbericht 2013 Damenriege Horgen

Jetzt isch das Jahr verbi, und s lehre Blatt ohni Bricht lit scho wieder vor mir.  
Damits mit dem Bricht au wückli klappt, han ich mir schomal vorab en Schnapps gschnapt.  
Trotz tonne Guetzli im Mage, hemmer im Januar eus ide Tunhall wieder in Form gschlage.  
Troffe hend mer eus im Schnee, drum hani eu alli in Adelbode wieder gse.  
Au mit wenig sunneschiiii, lustig isch es uf jedefall gsi.  
Gfahre simmer wie d'Profi, drum hemer trunke viel Ovi.  
Aprés-ski lat grüesse, ja sali Mod dörfi di begrüesse.  
Wie chönts au ander si, D'Taschelampe hemer bide letschte fahrt au das Jahr ned debi.  
Witer isch es gange, und d Jugen isch ide Turnhalle gstande.  
Jede het ghulfe woner cha, merci für das Angagema.  
Nach Filzbach hemer eus orientiert, es isch ned lang gange und alli hend d Turnschueh scho montiert.  
Ide Halle simmer vo eim Ecke in andere gschosse, und da sind au scho die erste Schweissperle gflosse.  
Mir hend uf jedfall alles ge, de Muskelkater am nechste Tag aber no meh.  
S'Papiersammle isch guet über d Bühni grollt, es hend ja au all d Muskle füre gholt.  
Parad simmer gsi, achtung Biel mir sind au debi,  
Uf d' Socke hemer üs gmacht, und uf de hifart im Zug au ganz viel glacht.  
Bi Hitz und Sunneschii isch s'Team Aerobic über d Bühni gloffe, d'Üebig isch cho wie us de Kannone gschosse.  
Eus isch nöd glunge ein Part, ja das isch wemer enand uf d'Füess staht.  
Die nechst Disziplin isch au scho gstande, mit em schüttelbus simmer den zu dere gange.  
10ni hemer im Fächtest gschosse, kes Wunder es isch au no kei Wisswi gflosse.  
Plötzlich isch den de Sturm cho, ja sehr schnell hend mir den de Platz müesse verlo.  
Die einte hend no en gratis Milchshake bezoge, es isch ned lang gange und de isch den au scho gfloge.  
S'Zelt am gliche Tag uf und abbaue isch ned euse Plan gsi, aber wohl oder übel eusi Tat gsi.  
Die einte hed sich den zum blibe entschlosse, und de nechsti Tag dochno gnosse.  
Ja stürmisch isch das Turnfest in Biel gsi, es wird eus uf jedefall en Erinnerig si.  
De Summer isch au no cho, so hemer mit em Grillabig vom erstehalbe Turnjahr scho Abschid gno.  
Ide Ferie hemer eus troffe, und sind mit em Schiff de Zürisee durf und durab kroche.  
De Wind het ned wücki gfegt, drum simmer au all vor Hitz ufem Stuehl klebt.  
Schön isches gsi, so mag au es Glace im Park Villa Seerose no in Mage dri.  
Voller Motivation simmer nach de Ferie gstartet, es het au scho de Barre uf üs gwartet.  
Vieli neui Diszipline hemer in agrif gno, de Fäbe isch gad mal mit Speer und Schnlüderball cho.  
Gworfe hemer die Grät, bi eus ja klar natürlich au dur d Gitterstäb.

Dameriege isch en richtige Spassfaktor, bi Barcelona hend fasch al teil gno.  
D'Bikes hend all mit offene Arme empfange , und all sind miteme strahle vo dem Trip hei  
gange.  
Tapas hend all degustiert, ja es wird scho um die nechst Reis diskutiert  
Witer isch es gange , Jumpstyle und Slackline sind ufem Plan gstande.  
Gad eifach isch es ned gsi, doch mit chli Üebig simer au debi.  
De Schlubu hemer bezwunge, mit me Postelauf und Pizza guet glunge.  
S'Fustballturnier isch au no cho, mit viel Sotlz hemer de drittli Platz entgege gno.  
Es isch noni ganz verbi, denn de Chlaus isch au no bi eus gsi.  
So jetzt het das Blatt nach Stunde au no Farb agno, dadrüber bini sehr froh.  
Ich Dank euch herzlich für die Tolle Stunde, und hoffe nechst Jahr wird au so glunge.  
Eveline